

RESOLUCIÓN REITORAL POLA QUE SE PRORROGA A VIXENCIA DOS PLANS DE INTERNACIONALIZACIÓN DA DOCENCIA DOS CENTROS ACTUALMENTE IMPLANTADOS E SE ESTABLECE O PRAZO PARA A PRESENTACIÓN DO INFORME ANUAL

Por resolución reitoral de 29 de novembro de 2016 publicouse a listaxe definitiva de solicitudes admitidas e excluídas da dita convocatoria, na que non houbo suficientes solicitudes, polo que por resolución reitoral do 24 de marzo de 2017 convocouse un prazo supletorio para a presentación de novas propostas, que se resolveu coa resolución reitoral do 19 de xuño de 2017 pola que se publica a listaxe definitiva de plans aprobados e denegados. Os plans aprobáronse con vixencia ata o curso 2019/2020. Por resolución reitoral do 11 de decembro de 2019 a Vicerreitoría de Responsabilidade Social, Internacionalización e Cooperación prorrogou o plan para o curso 2020/2021, e por resolución de 1 de marzo de 2021, para o curso 2021/22, e por resolución do 4 de febreiro de 2022, para o curso 2022/23.

En relación co curso 2023/24 e de acordo co establecido nos Criterios de elaboración da programación docente anual (PDA) para o curso 2023/2024 (aprobados na sesión do Consello de Goberno de 24 de xaneiro de 2023), segundo os cales os grupos en inglés que tiveran matrícula de estudantes propios novos nos últimos dous cursos académicos xa figuran na PDA e non poderá ofertarse docencia en inglés fóra desta prórroga agás nos casos en que a docencia en inglés se recolla na memoria de verificación do título ou naquelas materias nas que esta lingua sexa vehicular, a Vicerreitoría de Internacionalización,

RESOLVE:

Primeiro: Prorrogar os plans de internacionalización da docencia dos centros incluídos na listaxe final de plans aprobados pola resolución reitoral do 19 de xuño de 2017, no seu estado actual, ata a aprobación dun novo plan de Internacionalización. Exceptúanse desta prórroga os grupos en inglés que non tiveran matrícula de estudantes propios novos nos últimos dous cursos académicos.

Segundo: Establecer un prazo para que os centros presenten o informe anual do seu plan de internacionalización, que será

- no ano 2023: antes do 10 de outubro
- nos anos posteriores: antes do 1 de xullo

Contra esta resolución poderase interpoñer recurso potestativo de reposición perante o reitor no prazo dun mes (Lei 39/2015, do 1 de outubro) e/ou recurso contencioso administrativo perante a xurisdición contencioso-administrativo, no prazo de dous meses (Lei 29/1998, de 13 de xuño). Os prazos empezan a contar dende o día seguinte á recepción desta notificación. No caso de interpoñer recurso polas dúas vías, é preciso esperar a resolución expresa ou presunta do de reposición.

Vigo, na data da sinatura electrónica

O reitor

Por delegación R.R. 22/06/2022 (DOG 06/07/2022)

A vicerreitora de Internacionalización

M^a Isabel del Pozo Triviño

